

職官分紀

欽定四庫全書

職官分紀卷四十三

宋 孫逢吉 撰

都督府

晉職官志驃騎以下及諸大將軍不開府非持節都督者品秩第二其假節為都督者所置與四征鎮加大將軍不開府為都督者同置叅佐吏卒幕府兵騎如常都督制唯朝會祿賜從二品將軍之例然則持節都督無

後稍分至五十餘國置使者校尉以領護之三年改曰都護令戊己校尉領之

沈約宋書初漢武帝置西域諸國光武建武初始有督軍諸使至獻帝建安中魏武為相遣大將督之始號都督曹袁張楊之徒雖以三公假節領州郡然無都督之號三國時亦有都護左右護將軍兼諸將軍猶是舊制也

國朝有都護之名府進鎮戍並廢職歸州縣

六典大都護府大都護一人從二品副大都護一人從

三品副都護二人正四品上

漢宣帝時鄭吉為西域都護始立幕府都護之名自

吉始也至章帝時廢西域都護令戊己校尉領之魏晉之間有都護左右軍都護將軍之號遂廢都護之名皇朝永徽中始置安南安西大都護景雲二年又置單于都護開元初置北庭都護今有單于副都護長史

一人正五品上

漢宣帝置西域都護長史一人自後不絕今單于則不置

司馬一人

正五品下

漢武帝置護烏桓校尉護羌校尉各司馬二人元帝置戊己校尉亦置司馬一人皆都護

司馬之任也

錄事參軍一人正七品上錄事二人從九品上

功倉戶兵法曹參軍各一人並正七品下參軍事三人

正八品下

單于惟有
兵倉二人

上都護府都護一人正三品副都護二人從四品上長
史一人正五品上司馬一人正五品上錄事參軍一人
正七品下錄事二人史三人功倉戶兵曹參軍各一人
並從七品上叅軍事三人從八品上都護副都護之職
掌撫慰諸蕃輯寧外寇覘俟姦譎征討攜離長史司馬
貳馬諸曹如州府之職

威震西域

前漢宣帝時匈奴日逐王欲降漢使人與鄭
吉發渠黎逆茲諸國五萬人迎王四萬三千

人小王將十二人隨吉至河曲頗有亡者吉追斬之將詣京師漢封日逐王為歸德侯吉既破車師降日逐威震西域遂并護車師以西北道故號曰都護都護之置自吉始焉上嘉其功乃詔曰都護西域騎都尉鄭吉拊循外蠻宣明威信封吉為安遠侯漢之

萬里之外以身為

本

段會宗為人好大節矜功名與谷永相友善永閱其老復遠出于書戒曰足下以柔遠之令德復典都護

之重職甚願吾子因循舊貫無求奇功萬里之外以身為本願詳思愚言

功大賞小

元帝時甘延壽

與陳湯出西域郵支單于數因辱漢使湯與延壽謀曰郵支所在絕遠無金城強弩之守如發屯田史士毆從烏孫衆共攻之足以成功延壽欲奏之湯曰國家與公卿議大策凡非所見必不從會延壽病湯獨矯制發兵延壽聞之欲止湯怒按劍叱延壽曰大衆已集豎子欲沮衆耶延壽遂從之部勒行陣即日引軍分行遂斬郵

支單于頭送京師延壽封茂威侯湯闕建二銅柱鏡著唐

德唐書馬摠為安南都護廉清不撓用儒術教其俗政事嘉美獠夷安之建二銅柱於漢故處鏡著唐德以

明伏波之裔

鎮將鎮副

六典上鎮將一人正六品下鎮副一人正七品下

魏有四鎮

將軍之名晉宋以後皆因之情有鎮將鎮副皇朝因之每防五百人為上鎮三百人為中鎮不及者為下鎮

錄事一人史一人倉兵曹叅軍事各一人從八品下

倉曹

職同諸州司倉

倉督一人中鎮將一人正七品上鎮副一人

從七品上錄事一人兵曹參軍事一人正九品下倉督
一人下鎮將一人正七品下鎮副一人從七品下錄
事一人兵曹參軍事一人從九品下倉督一人鎮將
鎮副掌鎮捍防守總判鎮事

五代皆補親隨與縣令抗禮公事專達於州梁開平四
年諸州鎮使不以官秩高卑並在縣令之下

國朝建隆二年置縣尉主鄉村賊盜鎮將所主郭內而
已仍統於縣兼領都虞候又有典主文案

所由供役
使無定數

戍主戍副

六典上戍主一人正八品下戍副一人從八品下

宋書云劉

德願為遊擊將軍領石頭戍事宋檀道濟以護軍領石頭戍事宋齊以下至隋皆有其官皇朝因之

中戍

主一人從八品下下戍主一人正九品下

每五十人為上戍三十人

為中戍不及者為下戍

戍主戍副掌與諸鎮畧同

魚軒

左傳狄人滅衛齊侯使公子無虧歸公乘馬祭服五稱歸夫人魚軒注云車以魚皮為飾

瓜時

而往及瓜而代

左傳齊侯使連稱管至父戍葵丘瓜時而往曰及瓜而代不至乃作亂也

樂

宅戍

盛弘之荊州記襄陽范蠡祠南七十里有晉河南尹樂廣宅周四十餘畝曩井猶未湮塞置還其中

即名為出白日插雲間辛昆江賦爾乃南陵峻峭峯

樂宅成嵩高開嶽出白日樓插雲間

所謂天險難升地險丘山

高安戍

桓温表上春葉縣之措圻城在江東岸臨常濡湏口上二十里

建康宮三百三十里南有聲里北有高安戍高安戍者是孫權征合肥往來屯兵處也權常大積米穀於此備魏濡湏口

五岳四瀆官

六典五岳四瀆各一人正九品上

古者神祠皆有祝及祭酒或有史者

令蓋皇朝所置

祝史三人齋郎三人

並皇朝所置

廟令掌祭祀及判

祠事祝史掌陳設讀祝行置文案齋郎掌執俎豆及灑

掃之事興國中以令錄州官老不給治者為廟令判司簿尉為主簿由是不置丞亦有專置者景德中澶州別置河瀆廟亦令頓丘縣令掌廟之政令多統於本縣令

京朝知縣者云管勾廟事

主典無定數

關令丞

津吏

六典上關令一人從八品上

按周禮有司關上士二人又有尹喜為關令漢有甯

成為闕都尉皆其職也隋代立制皇朝因之

丞三人從九品上

皇朝置

錄事一

人府二人史四人典事六人津吏八人中關令一人

正九品下丞一人從九品下錄事一人府一人史二人

典事四人津吏六人下關令一人從九品下府一人

史二人典事二人津吏四人

四面關有驛道為上關無驛道者為中關餘為下關

永泰元年中關置津吏六人下關四人無津者不置

五代梁開平元年以潼關險阻乃置潼軍使命虎州刺史兼領之其月改虎牢關為軍仍置使

國朝諸津

各置監官一員

凡文武臣寮諸軍將校等如欲遣人

力往川廣及沿邊但經歷關津合用公憑者於本州請

領不得私給

又其...
五...
六...
七...
八...
九...
十...
十一...
十二...
十三...
十四...
十五...
十六...
十七...
十八...
十九...
二十...
二十一...
二十二...
二十三...
二十四...
二十五...
二十六...
二十七...
二十八...
二十九...
三十...
三十一...
三十二...
三十三...
三十四...
三十五...
三十六...
三十七...
三十八...
三十九...
四十...
四十一...
四十二...
四十三...
四十四...
四十五...
四十六...
四十七...
四十八...
四十九...
五十...
五十一...
五十二...
五十三...
五十四...
五十五...
五十六...
五十七...
五十八...
五十九...
六十...
六十一...
六十二...
六十三...
六十四...
六十五...
六十六...
六十七...
六十八...
六十九...
七十...
七十一...
七十二...
七十三...
七十四...
七十五...
七十六...
七十七...
七十八...
七十九...
八十...
八十一...
八十二...
八十三...
八十四...
八十五...
八十六...
八十七...
八十八...
八十九...
九十...
九十一...
九十二...
九十三...
九十四...
九十五...
九十六...
九十七...
九十八...
九十九...
一百...

職官分紀卷四十三

欽定四庫全書

職官分紀卷四十四

宋 孫逢吉 撰

橫行東西班大小使臣

唐制百官職皆九寺三監分典開元中始置諸使其後漸增由是寺監之物多歸諸使朝廷每有制詔則云諸司諸使以該之多內侍省官或將軍兼充天祐後及五代用廷外臣以御監將軍刺使以上領使國朝定內容

省使至閤門使之橫班皇城使以下二十名謂之東班
宮苑使以下二十名謂之西班初猶有正官充其後但
以檢校官為之或領觀察防禦團練使刺史慶厯四年
皇城使不轉閤門昭宣使既難其磨勘又不可例除遥
郡刺史舊制諸司副使當改官者降五資除使則是一
日而遷十五資今欲皇城使改官及七歲如曾任邊有
路安撫轉運使摠管五人以上舉則與除遥郡刺史至
遥郡防禦使諸司副使因差遣及有勞遷使如舊制兩

省止因磨勘則不得過五資有戰功及殊績者不限又
舊制兩省都知押班及帶內器械內臣合歷轉者臨時
例取古今欲如舊制詔自今皇城宮苑副使當磨勘者
各於本班額從下與升五資改諸司使其自左藏庫副
使以上因酬獎及非次改官者如舊制餘皆如所奏初
上謂執政曰諸司副使當從供備庫副使始今對行除
除五資太優於是令儀條差而為此制嘉祐三年詔客
省引進四方館各置使一員東西閣門共置使四員閣

門引進客省共置副使六員閤門通事舍人八員閤門使須有闕乃補今欲引進四方館各增置使一員東西上閤門共增使二員閤門引進客省共增置使四員閤門通事舍人增置二員所增置員見閤門供職轉資七不供職轉五資熙寧五年詔今後諸司使副磨勘歷任內有戰功曾經轉酬獎者與轉七資使額其餘並轉五資舊制諸司使副使有戰功者磨勘轉官率用常調轉五資上謂無以褒勵武人而閤門兩省職事皆左右近

習非勲勞不可超躡故有是命

元祐令內客省使至閣門副使為橫行延福宮使至昭
宣使為班官諸司使副使承制崇班閣門祗候為大使
臣供奉官侍禁殿直奉職借職為小使臣

內客省使

國朝崇政殿受朝則升東階侍立大中祥符四年樞密
院言新除內客省使曹利用准例逐日赴樞密院同食
其本廳宇已改充三班院請止令於三班院分廳視事

從之

客省

國朝客省在閤門之西使闕則引進四方館閤門使副兼承受一十人舊名承旨淳化二年改大中祥符五年陳彭年進客省事例六卷康定元年章得象修成客省條例七卷

使副使

五代梁有客省使國朝因之掌四方進奏及四夷朝貢

牧伯朝覲賜酒饌饗餼宰相近臣禁將軍校節儀諸州
進奉使賜物回詔之事

元祐令客省使從五品副使從七品

次內相

國朝張元嘉祐中為客省使上表乞換文資上以其嘗有功效令守舊官充徐州兵馬都總管

元初及第遇相者曰君次內相元曰翰林學士為內相予次之豈不侍講乎相者曰是也及第換武弁累遷客省使凡十五年不能遷內客省使而卒

引進使副使

五代梁有引進使副使國朝因之慶厯四年詔引進使

兼領閤門公事

元祐令引進使從五品副使從七品

四方館

國朝四方館在朝堂門外使客則客省引進閤門使副
兼掌大中祥符五年陳彭年進四方館儀一卷康定元
年章得象修成四方館條例一卷

使

唐四方館以通事舍人判厯中書省

五代晉始以卿監專判館

國朝初以檢校官判館淳化四年改置使名掌通事分
番供奉宣贊之名籍文武官正衙見謝辭國忌賜香諸
道月旦正至章表郊祀朝會蕃官貢舉人進奉使京官
致仕官道釋父老陪位之事

元祐令四方館使正六品

東西上閣門

國朝東西上閣門司紫宸殿前南廊置使副使常領本

局事闕即取客省使副使以上同管勾或全闕官亦有
通事舍人權發遣者承受十一人舊名承旨淳化二年
改又有提點承受以承受行首入仕歲久者命為三班
以充役大中祥符五年陳彭年進閣儀制六卷康定元
年章得象修成閣門儀制十二卷

使副使

國朝閣門使副使掌供奉乘輿朝會遊幸大宴及贊引
親王宰相百寮蕃客朝見辭糾彈失儀

元祐令東西上閣門使正六品副使從七品

沮宦官

內殿崇班錢晦累遷至閣門使宦官王守忠領節度觀察留後牒閣門定朝立燕坐晦因對言

天子大朝令宦官齒是大夫坐殿上必為四夷所笑守忠又欲以禮服進酒晦以為不可禮官議與晦同而言事官亦有是言守忠由是大沮

閣門通事舍人

國朝太平興國五年通事舍人王睿失儀太宗乃令令後不得通贊只令引班故事閣門無通事舍人判隸中書省其長一人判四方館謂之館老如抽赴閣門祇應

者兼稱閣門祇候今直授閣門通事舍人非舊制也天禧二年禮儀院制圖凡言閣門通事舍人者皆去閣門字因是制授官者亦去之嘉祐三年八月詔定以十員為額

元祐令閣門通事舍人從七品

書五字七字賜舍人

仁宗時李惟賢為閣門通事舍人在閣門習朝廷儀制數奏事稱旨

仁宗嘗書忠信李惟賢五字賜之後又賜以李惟賢忠孝勤謹七字

閣門祇候

國朝咸平五年諸王夫人及縣主等以親屬居三班者
上言因聖節推恩願以次補閤門之職真宗曰此職非
可以恩澤授也並不許天禧元年上與輔臣語及省費
用減吏員向敏中曰閤門祇候先朝止有三五員宣導
贊唱而已今踰數百而除授未已祿廩頗厚資地亦優
願稍慎擇上曰此蓋相承為例當漸有省之天聖六年
上封者言三班使臣帶閤門祇候並代諸司使副使差
遣竊以太宗時閤門祇候人數不多真宗朝置諸路提

點刑獄以閤門祇候同充時以員數闕少特令臣察奏
舉久歷外任有勞績者任之自後限以七人奏舉除授
近年皇親及臣寮遇聖節及差遣并亡歿遺表有陳乞
走馬承受亦以三年承例不問有無才幹並特轉閤門
祇候欲望自今供奉官合該轉者並只與轉內殿崇班
其在京及外任自來差閤門祇候勾當去處令樞密院
相度選差侍禁以上使臣充填從之嘉祐八年李端慤
奏近歲閤門祇候以上領在京差遣不理資任是以各

圖外任請自令通事舍人閤門祇候一任在京一任在外從之治平二年閤門言先詔通事舍人及閤門祇候共一十二人今止有九人熙寧四年閤門言係通事舍人十三員閤門祇候二十三員除見任祇應共十員外全少慣熟之人欲乞選擇內外仕族子弟自內殿承制以下至右班殿直六人令逐日前後殿亦閤門祇候諸般祇應以看班祇候為名候及五周年委是詳熟失儀數少令閤門委保與正除閤門祇候常以六人為定額

其班著不以官序高下並在閣門祇候班後別為一行
不得帶出外任差遣詔三班院揀選士族之家子弟供
奉官至殿直年四十以下好人材但魯歷任及無私罪
使臣一十二人三班院以田奕等名聞揀用六人

延福宮使

國朝明道元年置

元祐令延福宮使從五品

景福殿使

國朝大中祥符五年宣政使應州觀察使劉承珪以久疾辭職特置是名在客省使之上而正門也宜以時開元祐令景福殿使從五品

宣慶使

國朝舊諸司使止於宣政使大中祥符元年東封禮畢宣政使季神福當遷職特置是名

宣政使

國朝淳化五年昭宣使王繼恩有平賊之功中書欲以

為宣徽使詔朕讀前代書史多矣不欲令宦官干預事
宣徽使執政之漸也不可止受他官宰相等懇言繼恩
有大功非此任無足以議賞典上怒深責宰相等因命
張洎等別立宣政使之目序在昭宣使之上以授之

昭宣使

國朝淳化四年置以皇城使王延德王繼恩莊宅使杜
彥鈞為之以上朝參位在東班前

元祐令昭宣使正六品

皇城使副使

五代梁乾化六年五月詔曰端闈正門也宜以時開敞用達陽氣委皇城使准例檢校啓門車駕出則闔扉國朝因其名

元祐令皇城使以下諸司使正七品翰林使副使

唐有翰林使掌伎術之待詔者

五代有翰林茶酒使

國朝初有茶酒使後止名翰林使

尚食使副使

五代梁有尚食使副使國朝因之

御厨使副使

五代梁以御食使為司膳使

國朝置御厨使

軍器庫使副使

五代梁有武備庫



儀鸞使副使

唐置營幕使後置同知院使

五代梁開平初改儀鸞使

國朝置儀鸞使副使

弓箭庫使副使

唐有內弓箭庫使國朝因之後去內字

衣庫使副使

國朝初置內衣庫使後去內字

東西綾錦院使副使

東西八作使副使

國朝舊有八作太平興國二年始分東西

牛羊使副使

香藥庫使副使

國朝舊有香藥庫因置使

榷場使副使

國朝舊有榷場庫因置使

毳毼使副使

唐有毳坊毼坊使五代合為一國朝因之

鞍轡庫使副使

唐神策軍有御鞍轡庫五代置使國朝因之

酒坊使副使

唐有酒坊使國朝初加內字後去之

法酒庫使副使

周太祖平河中得酒工王恩善造法麪酒因置法酒庫

使

翰林醫官使副使

以上二十使為東班

宮苑使副使

五代梁有宮苑使國朝因之

左右騏驎院使副使

唐有飛龍使乃小馬坊使

五代梁改小馬坊使為天驥後唐復為飛龍小馬坊使

長興元年改飛龍院為左飛龍院小馬坊為右飛龍院

國朝太平興國三年改左右天廐坊雍熙二年又改左
右騏驎院使名從之

五云內藏庫使副使

國朝太平興國初置庫及使名

左藏庫使副使

唐以太府少卿知左藏出納五代有使國朝因之

東西作坊使副使

唐有作坊五代置使國朝因之舊有南北熙寧三年改

南北作坊為東西作坊其使副名額亦然

莊宅使副使

五代有莊宅使副使國朝因之

六宅使副使

唐置十宅六宅使以諸王所屬為名或總云十六宅後
止云六宅國朝因之

文思使副使

五代有文思使國朝因之

內園使副使

五代有內園栽接國朝止名內園

洛苑使副使

五代有洛苑使國朝因之

如京使副使

五代有如京使國朝因之雍熙四年以侍御史鄭宣司門員外郎劉墀戶部員外郎趙載並充如京使以殿中侍御史柳開為崇儀使左拾遺劉慶為西京作坊使先

是太宗以五代戰爭以來自節鎮刺史皆用武臣多不
曉政事人受其弊帝欲兼用文士漸復舊制故先擢宣
等為內職

崇儀使副使

更見如京使門

唐五代皆有開廐使國朝太平興國五年改今名

遼不敢犯

國朝雍熙四年以右拾遺曾諫為崇儀使初諫知定遠軍會遼人入寇兵少為城不固人

心危懼欲降於遼諫斬數人乃定因率勵士卒遼不敢犯遂引去帝聞之降詔敦獎賜五品服未幾召赴闕改

授是命

西京左藏庫使副使

西京左坊使副使

東西染院使副使

唐有染坊使國朝太平興國三年置東西二院使名從

之

禮賓院使副使

賞捕繫蠻賊之勞

國朝皇祐四年以權廣州番禺縣令蕭注為禮賓副使仍權發遣番禺縣

事賞捕繫蠻賊之勞也

供備庫使副使

以上二十
名為西班

帶御器械

國朝賞選三班以上武幹親信者帶橐鞬御劍或以內
臣為之初止名御帶咸平元年改為帶御器械以內園
使馬知節領登州刺史知秦州西京作坊副使石知隅
為西京作坊使綦政為供備庫使供奉官張旻為供備
庫副使並帶御器械初是職止名御帶至是改焉天聖
七年詔給馬三疋并芻粟景祐二年詔帶御器械自今

不得過六人元豐二年帶御器械官遇獨員闕人祇應
差內使省押班官權從下差

內殿承制

國朝大中祥符二年詔置內殿承制班在內殿崇班上
秩比殿中丞

元祐令內殿承制正八品

內殿崇班

國朝淳化二年詔置內殿崇班在供奉之上左右侍禁

在右班殿直之上先是供奉官殿直有四十年不遷者故特置崇班侍禁之目差定其次授焉人用胥悅

東西頭供奉官

左右侍禁

左右班殿直

五代本曰殿前承旨晉天福五年詔除翰林承旨外殿前承旨改曰殿直後唐清泰元年七月殿直承旨都知以趙處愿等為之

三班奉職

國朝淳化二年改殿前承旨為三班奉職

元祐令三班奉職從九品

三班借職

國朝元祐令三班借職從九品

國陳兵部公三班計類共八品

三班計類共八品

及故金王班計類共八品 賜五年節餘給終末言

國陳著外二班計類計類共八品 賜五年節餘給終末言

職官分紀卷四十四

欽定四庫全書

職官分紀卷四十五

宋 孫逢吉撰

大禮五使

大禮
鹵簿

禮儀
儀仗
橋道頓遞

唐元和以前史籍不載開元九年國子司業韋韜知太常禮儀事而未有使名天寶九載始置禮使大曆五年停事歸太常七年復置建中元年停自後不置每有南郊大禮權置太常卿為之又有大禮使中丞為之哀帝

時中丞為儀仗使而不載大禮使五代梁有以河南尹為大禮使餘二使如舊又有儀仗法物二使以武將為之後唐明宗以宰相為大禮兵部尚書為禮儀使御史中丞為儀仗使兵部侍郎為鹵簿使開封尹為頓遞使周制亦然惟以禮儀為太常國朝大禮頓遞用宰相京尹充使如舊制太常中丞兵部尚書或闕則以學士及他尚書丞郎為之而頓遞又增橋道之名唐有禮儀使判官五代有大禮副使判官國朝並不置後唐又有

修裝法物使今多以内臣與本司修飾焉其職掌用禮院御史臺兵部吏人如故儀衛衣物鹵簿皆掌儀仗使無專掌但令憲司督促諸司而已今有中丞換使額非舊制者若叙使司次第則橋道頓遞最在下京尹有親王為之者先朝屢舉大禮以非常禮皆用輔臣向敏中次當禮儀贊導以年老不任磬折改命王欽若以敏中領禮儀使則是不用次叙之例自是始變焉其胥吏交換頗為非便自後不復改至大中祥符元年乙未以尚

書左丞知樞密院使王欽若右諫議大夫叅知政事趙安仁為泰山封禪經度制置使先朝亦置大禮禮儀儀仗鹵簿等使唯不置橋道頓遞使六年以宰相王旦為遞奉聖像大禮使向敏中為禮儀使樞密使王欽若為儀仗使陳堯叟為鹵簿使叅知政事丁謂為橋道頓遞使其年又以宰臣王旦為奉祀大禮使向敏中為儀仗使樞密使同平章事王欽若為禮儀使陳堯叟為鹵簿使叅知政事丁謂為橋道頓遞使又以王旦為天書儀

仗使丁謂為副使兵部侍郎趙安仁為扶侍使入內副
都知張繼能為扶侍郎都監焉七年詔摹刻天書奉安

於玉清昭應宮宰臣王旦為天書刻玉使樞密使同平
章事王欽若為同刻玉使叅知政事丁謂為刻玉副使
兵部侍郎趙安仁翰林學士陳彭年為同刻玉副使入
內押班周懷政為都監以吏部尚書王欽若為同中書
儀衛刻玉使其年又以司空兼門下侍郎平章事王旦
為奏告大禮使中書侍郎兼刑部尚書平章事向敏中

為儀仗使樞密使兵部尚書平章事寇準為鹵簿使工部尚書叅知政事丁謂為禮儀使樞密副使檢校太保王嗣宗為橋道頓遞使禮儀使為四使之首贊導行事敏中以衰疾故讓謂以便於陟降也丙申以工部尚書平章事王旦為封禪大禮使尚書左丞知樞密院事王欽若為禮儀使兵部侍郎叅知政事馮拯為儀仗使兵部侍郎知樞密院事陳堯叟為鹵簿使右諫議大夫叅知政事趙安仁為橋道頓遞使其禮儀橋道頓遞使事

令拯洎堯叟分掌以欽若安仁先赴泰山故也先是王
旦言封禪當命五使郊裡舊制以宰臣充大禮使以學
士中丞尚書丞郎知開封府分領禮儀等使上升中大
禮宜重其事五使之職當於中書樞密院班次命之馮
拯曰臣等叨居重位復忝使名慮未為允望仍舊貫上
曰大臣為之益重祀事也天禧三年右僕射兼門下
侍郎平章事向敏中為天書儀衛使南郊大禮使中書
侍郎兼吏部尚書平章事寇準為天書儀衛使吏部尚

書叅知政事丁謂為儀衛副使給事中叅知政事李迪為扶侍使翰林承旨刑部侍郎知制誥晁迥為南郊禮儀使翰林學士給事中知制誥錢惟演為儀仗使樞密直學士右諫議大夫兼太子賓客王曙為鹵簿使給事中權知開封府馬元方為橋道頓遞使左驥驎使兗州團練使入內副都知周懷政為天書扶侍郎都監自封禪以來時命輔臣兼五使之職及是始復舊制皇祐二年九月二十七日辛亥有事於明堂取齋戒自新之義

以宰臣文彥博為大禮使宋庠為禮儀使樞密使王貽
永為儀仗使龐籍為鹵簿使叅政高若訥為橋道頓遞
使以樞密副使梁適攝太尉告天地於南郊舊制大禮
使以宰臣一員充自禮儀仗使以下以太常卿中丞兵
部尚書開封尹充令並用兩府近臣蓋重其事也治平
二年以御史中丞南郊鹵簿使賈黯為儀仗使以翰林
學士南郊儀仗使范鎮為鹵簿使故事南郊以御史中
丞為儀仗使天聖二年乃誤用中丞薛奎領鹵簿使而

欽定四庫全書
卷四十五
以翰林學士晏殊為儀仗使是用仁宗郊天故事黷言
其誤故改之

春明退朝錄每南郊大禮循唐制命五使宰相為大禮
使學士為禮儀使鹵簿使御史中丞為儀仗使知開封
府為橋道頓遞使而禮儀使本太常卿事尚書兵部主
字圖鹵簿使是其職也儀仗使排列之而鹵簿使督攝
之其職事頗相通

真宗時東封西祀奉祀皆輔臣為五使南郊則用學士

而下

仁宗籍田恭謝大饗明堂祫饗上大饗並循真廟之制

定南郊行禮圖

國朝乾德初上將有事園丘以范質為大禮使質與鹵簿使路昭禮儀使劉溫

叟討閩禮故事補其闕滿上之上甚嘉獎

譯經潤文使

春明退朝錄太平興國中始置譯經院於太平興國寺

延梵學僧翻譯新經始以光祿卿湯公悅兵部員外郎

張公洎潤色之後趙文定楊文公晁文莊李尚書維皆

為譯經潤文官天祐中宰相丁晉公始為使天聖三年
又以宰相王冀公為使自後每宰相繼領之然降麻不
入銜又以叅政樞密為潤文其事寢重每歲節必進新
經前兩月二府皆集以觀翻譯謂之開堂亦謂之清流
堂慶厯三年呂許公罷相以司徒為譯經潤文使明年
致仕章郇公代之自後乃降麻入銜

宮觀使

判官
管勾

都監
提點

提舉

唐開元八年同州刺史姜師度兼管內長壽宮使其後

或以御史中丞或以殿中監帶使至大厯九年後惟以同州刺史充

五代梁開平元年罷後唐同光元年復置天福四年停使額

國朝玉清昭應宮景靈宮會靈宮祥源觀皆置使有副使判官又有都監管勾之名或以宰相或翰林學士或知制誥為之都監以諸司使副使或中官管勾或權或同或異或曰都大不常其名熙寧六年昭應宮觀差遣

係大卿監及諸司并本州知州自來帶管勾者並充提舉餘官管勾

春明退朝錄唐置宰相四人首相為太清宮使祖宗朝使相節度使未嘗有領京師官局者明道中錢相始為

景靈宮使治平中武康節李端願始為醴泉觀使

不拜命

國朝王魯遷諫議大夫叅知政事真皇好神仙築昭應景靈宮用大臣領使以魯為景靈使不

拜命忤旨罷知政事出知天雄軍

遷官處閒局

熙寧六年以莊宅使帶御器械知鎮戎軍張縯

為驥驥使提點鳳翔府太平宮繡有戰功以病請退故遣官以閒局處之

閒職難仍舊官

八年

以皇城使忠州團練使馬備管局仙源縣景靈宮太極觀公事尋除彌大將軍開職雖仍舊官故也

用父恩

九年以殿中丞曾孝純同管勾西京崇福宮從父公亮所乞也孝純兼當資序得管勾宮觀用父恩也

奉使

詩皇皇者華君遣使臣也送之以禮樂言遠而有光華也周禮凡邦國之使節山國用虎節土國用人節澤國用龍節皆金也大行人之職時聘以結諸侯之好間問以諭諸侯之志掌大賓之禮及大客之儀以親諸侯

九州

之外謂之著國世一見

小行人之職凡四方之使者大客則擯小客

則受其幣而聽其辭象胥掌蠻夷閩貉戎狄之國使凡國大喪詔相國客之禮儀而正其位

儀禮上公之使者七介侯伯之使者五介子男之使者

三介君命者宰執書授使者書授上介使者及境張旌

誓乃謁闕人謁告也使者若過邦至于境使次介假道

輕幣重使左傳云叔齊之子為季武子介以會自是晉人輕魯幣而益敬其使

觀周樂吳季札來聘請觀於周樂魯以周公故有天子禮樂客使晉士文伯諫子產曰以敝邑政

刑之不脩盜充斥是以令吏人完客所館高其閭闔厚其墻垣以無憂客使以尸行事楚伐吳陳

侯使公孫貞子弔焉及良而卒將以尸入使吳太宰嚭
勞且辭焉上介芋尹蓋對曰寡君聞楚為不道游伐吳
國使蓋備使弔君之下史無祿使人人命墮君命逆
使人曰無以尸造于門是我寡君之命委於草芥也且
臣聞之事死以生禮也於是有朝聘而終以尸將事之
禮又有朝聘而遭喪之禮若不以尸將命是遭喪而還
無乃不可乎備使奉尸將命苟我寡君之命不假道而
達於君所雖隕於深淵則天命也吳人內之

殺使

楚子使申舟聘于齊曰無假道於宋亦使公子馮
聘於晉不假道於鄭申舟曰不假必殺我王曰殺

汝我伐之見犀而行及宋宋人止之華元曰過我而不
假道鄙我也鄙我亡也殺其使者必伐我伐亦亡也亡
一也乃殺之楚子聞之投袂而起屣及於室皇劍行人何
及於寢門之外車及於蒲胥之市遂伐宋也

罪

鄭使良霄石癸如楚告將服於晉楚人執之石一介
莫言於子囊曰楚實不競行人何罪楚人歸之

行李

鄭及楚平使王子伯駢告於晉晉使行人于負對曰君有楚命亦不使一介行李告於寡君寡君將

帥諸侯以見于城下惟君圖之

出疆

春秋之義大夫出疆有可以安社稷存萬民顯之可也 王人

序諸侯之上

公羊傳八年公會王人齊侯宋公鄭侯許男曹伯盟于洮王人老何微者也曷序乎

諸侯之上先王命也

聞喪徐行

公子遂如齊至黃乃復譏之大夫以君命出聞喪徐行而不反 兵

交使在其間

晉伐鄭鄭人使伯鬪行城晉人殺之非禮也古者兵交使在其間可也 使舉

上客而不稱介

穀梁文十八年魯公子遂叔孫得臣如齊使舉上客而不稱介不正其同倫而

相介故列而數之

白珩

國語楚王孫圉聘於晉趙簡子鳴玉問國曰楚之白珩猶在乎其寶也幾何矣

曰未嘗為寶楚人有說射父能作訓辭以行事於諸侯又有左史倚相能道訓典以序百物此楚國之寶也若

夫白珩先王之寶也何寶焉秦觀楚寶劉向新序秦欲伐楚遣使往

壇使容東面自居西面之壇稱曰理百姓實倉廩子西

高在此理師旅正軍戎司馬子反在此懷霸王之餘義

獵治亂之遺風昭矣恤在此惟大國所觀使反言秦君

曰楚多賢臣鞫軒風俗通周秦常以歲八月遣鞫軒窮

未可謀也鞫軒之使採異方言還奏之藏于秘室窮

河源史記禹本紀言河出崑崙高二千五百餘里日月

所相避隱為光也自張騫使大夏之後窮河源惡

觀所謂崑崙者乎故言九州山川尚書近之斷髮文身

矣禹本紀山海經所有怪物余不敢言之也斷髮文身

越使諸發使於魏諸發斷髮文身為飾既就館魏王有

令客若衣冠則以禮見若不衣冠則不見諸發答曰大

國若遣使至敝邑亦須剪髮文身以見敝邑還趙璧趙

之君不然願從其俗魏王慙其言乃出見之還趙璧趙

得

職官分紀

十

楚和氏璧秦昭王請以十五城易璧趙畏秦強不可違使蔣相如奉璧於秦王坐章臺相如奉其璧視秦王見禮甚倨相如乃前曰璧有瑕請指之王授璧相如持璧睨柱怒髮上衝冠謂王曰臣竊觀大王得璧傳之美人以戲弄臣無意償趙城邑大王必欲急臣頭與璧俱碎於柱矣且趙王齋戒五日使臣奉璧今大王亦宜齋戒五日臣乃敢上璧秦王許之齋戒五日相如授從者衣褐裹璧從徑道歸趙秦王齋戒畢引趙使受璧相如云臣恐見欺王而負趙已令人持歸間至趙矣左右欲一引相如去秦王曰今殺相如終不得璧因厚遇而歸之一

出五國有變

齊田常欲伐魯孔子聞之謂門弟子曰魯墳墓之園有二三子何為莫出于路子張

子石請行俱不許子貢請行許之子貢至齊說田常且請使吳至而說吳王以救魯伐齊吳王惡越之有報吾心子貢又請使越說勾踐越王發卒佐吳臣請北見晉令共攻吳則其銳兵盡於齊重甲困於晉而王制其獎

此滅吳必矣越王從其計吳遂伐齊子貢去而之晉說
晉君修兵卒以待之矣既行以待臨晉越王聞之涉江

襲吳滅之故子貢出存魯亂齊破繆賢薦藺相如藺相
如藺相如藺相如藺相如藺相如藺相如藺相如藺相如

趙宦者令繆賢舍人趙求人可使報秦獻空籠魏文侯使蔡無

澤獻鵠於齊侯行路失之獻其空籠謂齊侯曰寡人使
臣獻鵠路而食之乃中天而去非不能買鵠不敢易君

幣非不能逃亡惡絕兩君之好非不能自啟惡貴鵠得
賤人是以獻空籠唯君裁之齊侯曰得子之言勝得鵠矣

言勝得鵠上行人之官前漢藝文志從橫家者流蓋出於行人之官孔子曰誦詩三百

使於四方不能專對雖多亦奚以為又曰使乎言其當
權事制宜受命不受辭此其所長也及邪人為之則上

詐譏而縣令負弩先驅司馬相如建節往使蜀太守建

棄其信以下郊迎縣令負弩先驅

職官分記

十一

節出關

終軍初步入關關吏予繻軍棄繻而去及為謁者使行郡國建節出關關吏識之曰此使者乃前者

奔繻生也

請長纓羈南越

終軍自請願受長纓必羈南越王而致之關下乃遣軍往說越王請

舉國內屬天子大悅令使者留鎮撫之越相呂嘉不欲內屬發兵攻殺其王及漢使者軍死時年二十餘故世

謂之

矯制發倉粟賑貧民

武帝時河內失火遣汲黯往視之還報曰家人失火屋比

延燒不足憂臣過河內貧人傷水旱萬餘家或父子相食臣謹以便宜持節發河內倉粟以賑貧民請歸節伏

矯制罪上

馮軾下齊七十餘城

漢王定天下郡食其嘗賢而釋之馮軾下齊七十餘城為說客馳使諸侯又請

奉詔說齊王使稱東藩上曰善於是使食其說齊田廣以為然罷其麾下兵守戰備與食其日縱酒韓信聞食

其馮軾下齊七十餘城迺夜度兵襲齊廣聞漢兵至以食其賣已乃烹食其引兵走

賜橐中裝

陸賈

以容從高祖定天下名有口辨時中國初定尉佗平南越同王之高祖使賈賜佗印為南越王賈至說佗令稱

臣奉漢約佗賜賈橐中裝直千金至孝直指使者暴勝文時賈又使南越令尉佗去黃屋稱臣

直指使者衣繡衣持斧逐捕郡國盜賊自請治行鄭當時為九卿門下客

善言進之武帝使視次河自請治行五日丁年奉使皓上曰吾聞鄭莊行千里不費糧治行何也

首而歸李陵與蘇武書曰足下以單車之使適萬乘之虜丁年奉使皓首而歸老母終堂生妻去惟此

天下所稀聞也河梁蘇武將使匈奴李陵贈詩曰攜手上河梁游子暮何之徘徊蹊路側悵悵不能辭

齧雪與旃毛蘇武使匈奴單于置武于大窖中絕不與飲食天雨雪武臥齧雪與旃毛并咽之數

日不死徙北海上鴈足書昭帝時匈奴與漢和親漢求無人處使救羶羊蘇武等匈奴說言武死後漢

使復至匈奴武夜見使者教之為單于言天子射上林中獲鴈足有係帛書言武在某澤中使者以讓單于單

于謝漢使遣武歸武留匈奴凡十九歲始以強壯出及還鬣髮盡白節毛盡

落武在北海上牧羊卧起操持節毛盡落不失漢節張騫以郎應募使月氏匈奴得之留騫十

餘歲持漢節不失因與其屬亡既至月氏還復為匈奴所得留歲餘單于死國內亂騫與妻俱亡歸漢拜太中大夫

見邛竹杖蜀布騫所至者大宛大月氏大夏康居初騫行十三人惟二人得還騫言在大夏時見

邛竹杖蜀布問安得此大夏國人曰吾賈人往市之身毒國大夏去漢萬二千里居西南身毒人居大夏東南

數千里有蜀物此其去蜀不遠矣令使大夏從羌中險少北則為匈所得從蜀宜往又無寇天子忻忻以騫言為

然廼令自蜀捷為發問使數道並出終莫能通後復從大將軍擊匈奴知水草處軍得以不乏乃封騫為博望

侯堂堂漢使

蘇武使匈奴單于脅武令拜武不從匈奴以刃臨之武曰堂堂漢使安能屈於四夷

哉拔佩刀自刺匈奴

斬樓蘭王

傅介子使大宛還過龜茲言匈奴使從烏孫還

在此介子率其吏士共誅斬匈奴使者還因請往刺樓蘭並茲王以威諸國於是遣介子至樓蘭樓蘭王不親介子陽引去至其西界使譯謂因曰漢使者持金幣行賜諸國王不來受我去之西國矣其王果貪漢物求見使介子與飲酒醉使壯士刺殺之持其首述詔曰樓蘭王常為匈奴間候遮殺漢使者傅介子持使節誅斬樓蘭王首懸之北闕不煩師

奉使不稱

成帝陽朔二年闕東大水遣諫大夫

博士分行視以奉使不稱詔丞相御史與二千石雜舉可充博士者注不稱謂不副上意

使者旁午

昌邑王受璽以來二十七日使者旁午持節詔諸官署徵發凡一千一百二十七事如淳曰旁午分布也師古

曰一從一橫為使絕域武帝詔州郡察吏民有茂材臨

造元帝詔臨造光祿大夫褒等十二人循行天下存問

奉使稱意孔光成帝時為博士數決錄寃獄行諭巴蜀

檄唐蒙使畧通夜郎發卒轉漕巴蜀民大恐上聞之乃

相如為檄文得職自貳師將軍伐大宛之後西域震懼

留漢使單于初立長年少號為兒單于是歲元封六年

其國單于怒而悉留漢使前後留匈奴去節黠面入穹

廬匈奴法漢使不去節不以墨黠面不得入穹廬漢使

因降匈奴

漢使宦者中行說送公主妻匈奴說不肯行漢強使之說既至乃降匈奴而以漢事言之

見大夫無可使者

成帝時山陽亡徒蘇令等起為盜欲遣大夫使逐問狀時見大夫無可使

者名蓋屋令尹逢拜諫大夫遣之哀帝時王嘉疏曰今諸大夫有材能者甚少宜豫畜養可成就者則士赴難不愛其死臨事倉卒乃求非所以明朝廷也不用婁敬言以困平城

漢使入匈奴

奴匿壯士肥牛馬徒見其老弱及羸畜使者十輩來皆言匈奴易擊上使婁敬復往使匈奴還報曰兩國相擊

此宜夸矜其所長令臣往見羸畜老弱此欲伏奇兵以爭利愚以為匈奴不可擊是時漢兵已踰匈奴三十餘

萬衆上怒械繫敬廣武遂至平城匈奴果出奇兵圍高帝白登七日然後解帝至廣武敬曰吾不用公言以

困平城吾已斬先將十輩言可擊者二使星

後漢李郃善河洛風星人莫之識縣召署幕門候吏和帝

即位分遣使者皆微服單行各至州縣觀採風謠使者
二人當到益部投印候舍時夏夕露坐印因仰觀問曰
二君發京師時寧知朝廷遣二使耶二人默然驚相視
曰不聞也問何以知之印指星示云有二使星向益州
分野故醉不能揖人使英宗治平二年侍御史范純仁
知之耳醉不能揖人使等奏錢明逸勞梁州使班荆館
飲酒醉至不能揖人使乞付有司治罪詔勿治

國信使

國朝契丹自石晉後強盛太祖平海內勢始衰弱開寶
七年中使為涿州刺史耶律琮以書遺雄州孫全興願
講好於朝廷八年乃遣款附奉書來聘自是乃通使矣

凡命使普取旨選差令著為令景德二年詔接伴使副
李宗諤等逐日入朝起居令於北朝人使前先起居於
東面立令人使起居

差開封府官祖送人使條制

應上德橋祖送人差開封府判官郎中以下並借朝

散大夫檢校秘書少監守開封少尹輕車都尉食邑三百戶賜紫金魚袋見任或魯借少卿者即借檢校秘書監守開封少尹并階勳食邑金紫如見係朝
散大夫及已有勳封食邑金紫郎更不借
差開封府

官接伴人使條制

應陳橋接伴差開封府推官員外郎以下並借朝散大夫工部郎中輕車

都尉郎中借一官已係前行只升階借名曹如階
勳已高郎不借其權發遣公事並落下只稱推官
差文

武臣充館判國信接伴使等借官不借官者并合乞借

官者條制

又臣如諫議以上更借官待制以上及省副知雜未係朝散大夫或未有勳及食邑並借

朝散大夫右諫議大夫騎都尉食邑五百戶內階勳食邑已高者仍舊少御借秘書監郎中以下並借太常少御朝散大夫騎都尉食邑三百戶賜紫金魚袋已有勳及食邑者不借見帶館職并省府主判遣等並落下如魯借官後來待制以上每及六年郎中以下四年更加借一官或加職若於上件年內更曾遇恩已加階勳食邑食實封亦與比附加借其都亭驛班荆館押賜御筵及開封府當國信路知州軍迎送公牒往還并轉運副使轉當押伴御筵乞借官者並准此武臣充副使如係正任遙郡并橫行皇城使更不借官其餘諸司使並借使額五資橫行及諸司副使並使正使開門祇候及制崇班並借供備庫使內閣門祇候仍兼閣門通使舍人

如不在閭門祇候更不帶通使舍人未有食邑借三百
戶已有者不借如已及二千戶以上借食實封一百戶

職官分紀卷四十五